

全上古三代秦漢
三國六朝文

漢三國

第三
玉十冊



全後漢文卷八十一

烏程嚴可均校輯

陸康

康字季寧吳郡吳人少仕州郡靈帝初舉茂才除高成令光和
初遷武陵太守歷桂陽樂安二郡太守已言事徵詣廷尉免召
拜議郎出爲廬江太守獻帝初加忠義將軍爲袁術將孫策所
攻拒守二年城陷病卒年七十

上疏諫鑄銅人

臣聞先王治世貴在愛民省徭輕賦已寧天下除煩就約已崇簡
易故萬姓從化靈物應德末世衰主窮奢極侈造作無端興制非
一勞割自下已從苟欲故黎民吁嗟陰陽感動陛下聖德承天當
隆盛化而卒被詔書畝斂田錢鑄作銅人伏讀惆悵悼心失圖夫
十一而稅周謂之徹徹者通也言其法度可通萬世而行也故魯

宣稅畝而蠲災自生哀公增賦而孔子非之豈有聚奪民物已營
無用之銅人捐捨聖戒自蹈亡王之法哉傳曰君舉必書書而不
法後世何述焉陛下宜畱神省察改敝從善已塞兆民怨恨之望

後漢陸
康傳

尙書令囂

囂等七人皆在靈帝初其姓莫可考梅鼎祚云劉囂字重寧長
沙人歷太僕司空

上言請條列立宋皇后禮儀

尙書令臣囂僕射臣鼎尙書臣旭臣乘臣滂臣謨臣詣稽首言伏
惟陛下履乾則坤動合陰陽羣臣大小咸已長秋宮未定遵舊依
典章表仍聞歷時乃聽令月吉日已宋貴人爲皇后應期正位羣
生兆庶莫不式舞易稱受茲介祉詩云千祿百福子孫千億萬方
幸甚今吉日已定臣請太傅太尉司徒司空太常條列禮儀正處

上羣臣妾無得上壽如故事臣囂臣鼎臣旭臣乘臣湧臣謨臣詣
愚闇不達大義誠惶誠恐頓首死罪稽首再拜已聞

續漢禮儀志中注補引蔡

質所記立
宋皇后儀

謝弼

弼字輔宣東郡武陽人靈帝初舉有道對策除郎中已言事出
爲廣陵府丞去官歸爲宦黨所陷死獄中

上封事陳得失

臣聞和氣應于有德妖異生乎失政上天告譴則王者思其愆政
道或虧則姦臣當其罰夫蛇者陰氣所生鱗者甲兵之符也鴻範
傳曰厥極弱時則有蛇龍之孽又熒惑守亢褻回不去法有近臣
謀亂發于左右不知陛下所與從容帷幄之內親信者爲誰宜急
斥黜已消天戒臣又聞惟虺惟蛇女子之祥伏惟皇太后定策宮
闈援立聖明書云父子兄弟罪不相及竇氏之誅豈宜咎延太后

幽隔空宮愁感天心如有霧露之疾陛下當何面目已見天下昔周襄王不能敬事其母戎狄遂至交侵孝和皇帝不絕竇后之恩前世已爲美談禮爲人後者爲之子今已桓帝爲父豈得不已太后爲母哉援神契曰天子行孝四夷和平方今邊境日蹙兵革蜂起自非孝道何已濟之願陛下仰慕有虞蒸蒸之化俯思凱風慰母之念臣又聞爵賞之設必酬庸勲開國承家小人勿用今功臣久外未蒙爵秩阿母寵私乃享大封大風雨雹亦由于茲又故太傅陳蕃輔相陛下勤身王室夙夜匪懈而見陷羣邪一旦誅滅其爲酷濫駭動天下門生故吏竝離徙錮蕃身已往人百何贖宜還其家屬解除禁網夫台宰重器國命所繼今之四公唯司空劉寵斷斷首善除皆素餐致寇之人必有折足覆餗之凶可因災異竝皆罷黜徵故司空王暢長樂少府李膺竝居政事庶災變可消國祚惟永臣山藪頑闇未達國典策曰無有所隱敢不盡愚用忘諱

忌伏惟陛下裁其誅罰

後漢謝弼傳又略見袁宏後漢紀二十三語欠不同

何進

進字遂高南陽宛人靈思何皇后之兄家本屠者徵拜郎中再遷虎賁中郎將出爲潁川太守光和中徵拜侍中將作大匠河南尹中平初爲大將軍封愼侯少帝卽位與太傅袁隗輔政錄尙書事已謀誅宦官事泄遇害于嘉德殿

薦董扶表

資游夏之德述孔氏之風內懷焦董消復之術方今并涼騷擾西戎蠢叛宜敕公車特詔待已異禮諮謀奇策

蜀志劉焉傳注引益部耆舊傳

請釋王允疏

夫內視反聽則忠臣竭誠寬賢矜能則義士厲節是已孝文納馮唐之說晉悼宥魏絳之罪允已特選受命誅逆撫順曾未朞月州境澄清方欲列其庸勲請加爵賞而已奉事不當當肆大戮責輕

罰重有虧眾望臣等備位宰相不敢寢默誠已允宜蒙三槐之聽
已昭忠貞之心

後漢王允傳

奏遷董后

孝仁皇后使故中常侍夏惲永樂太僕封謂等交通州郡辜較在所珍寶貨賂悉入西省蕃后故事不得畱京師輿服有章膳羞有品請永樂后遷宮本國

後漢董后紀

仇靖

靖字漢德武都下辨人爲郡從史

析里橋郿閣頌

惟斯析里處漢之右谿源漂疾橫柱于道涉秋霖漉盆溢滔湔濤波滂沛激揚絕道漢水逆讓稽滯商旅路當二州經用汙沮沮縣士民或給州府休謁往還恆失日晷行理咨嗟郡縣所苦斯谿旣然郿閣尤甚緣崖鑿石處隱定柱臨瀾長淵三百餘丈接木相連

號爲萬柱過者慄慄載乘爲下常車迎布歲數千兩遭遇隕納人
物俱隋沈沒洪淵酷烈爲禍自古迄今莫不創楚于是太守漢陽

阿陽李君諱翕字伯都已建寧三年三月辛巳

隸釋作二月審視碑本是三字三月

乙卯朔辛巳廿七日也

到官思惟惠利有已綏濟聞此爲難其日久矣嘉念

高帝之開石門元功不朽乃俾衡官掾下辨仇審改解危殆即便
求隱析里大橋于今乃造校致攻堅口口工巧雖昔魯班亦莫擬
象又醞散關之嶰潔從朝陽之平燥減西口口高閣就安寧之石
道禹導江河已靖四海經記厥績艾康萬里臣口口勒石示後
乃作頌曰

口口口降茲惠君克明俊德允武允文躬儉尙約化流若神愛
氓如子口口平均精通皓穹三納苻銀所厥垂勳香風有鄰仍致
瑞應豐稔口口口樂行人夷欣慕君靡已乃詠新詩

口口口兮兌之閒高山崔隗兮水流蕩蕩地旣增确兮與寇

為鄰口口口口口口口口已析分或失緒業今至于困貧危危累卵今
聖朝閔憐耗艾究口兮幼口口口口口口口救傾兮全育子遺劬勞日
稷兮惟惠勤勤黃邵朱龔兮蓋不口口口口口口充贏今百姓歡欣僉
曰太平兮文翁復存

建寧五年四月十八日癸下缺時衡官口口口口仇審字孔信從

史位下辨仇靖字漢德為此頌故吏下辨仇縛字子長書此

云云時石師南口口口口威明碑拓本隸釋四案拓本及隸

西狹頌全拓本對校之此四字可據補也西狹頌云從史位下辨

仇靖字漢德隸釋所載頌未少一百四十三字非全本又案天

下碑錄云析里橋郝閣頌仇子良書

名縛今亦據呂補缺皆旁注呂別之

電池五瑞畫像
白鹿 黃龍 甘露降 承露 嘉禾 木連理

君昔在電池修峭嶽之道德治精通致黃龍白鹿之瑞故圖畫其

像碑拓本隸釋四案
此刻于郝閣頌之前

大四百七十七
小一百四十九

盧慎

慎涿郡涿人爲尚書

見元和姓纂

盧公範

凡八月旦上承露盤赤松子柏上露爲囊已膏面皮古人用點炙枝已梨子爲之反銀蓋中者朱砂銀枝子也

本注盧公範者盧慎家之法也御覽二十五

凡臘日上藻豆帑頭膏面脂口脂

御覽三十三

盧植

植字子幹涿郡涿人建寧中徵博士熹平中拜九江太守病去尋拜廬江太守徵爲議郎遷尚書中平初拜北中郎將擊黃巾有功爲小黃門左豐所誣檻車徵事白復爲尚書董卓廢立已抗議免歸隱上谷袁紹據冀州請爲軍師初平三年卒有禮記解詁二十卷集二卷

始立太學石經上書

臣少從通儒故南郡太守馬融受古學頗知今之禮記特多同尤
臣前已周禮諸經發起牴牾敢率愚淺爲之解詁而家乏無力供
繕寫上願得將能書生二人共詣東觀就官財糧專心研精合尙
書章句考禮記失得庶裁定聖典刊正碑文古文科斗近于爲實
而厭抑流俗降在小學中興已來通儒達士班固賈逵鄭興父子
並敦悅之今毛詩左氏周禮各有傳記其與春秋共相表裏宜置
博士爲立學官已助後來已廣聖意

後漢盧植傳

日食上封事

臣聞五行傳曰晦而月見謂之朏王侯其舒此謂君政舒緩故日
食晦也春秋傳曰天子避位移時言其相掩不過移時而閒者日
食自己過午旣食之後雲霧晦曖比年地震彗孛互見臣聞漢已
火德化當寬明近色信讒忌之甚者如火畏水故也案今年之變

皆陽失陰侵消禦災凶宜有其道謹略陳八事一曰用良二曰原
禁三曰禦癘四曰備寇五曰修禮六曰遵堯七日御下八曰散利
用良者宜使州郡覈舉賢良隨方委用責求選舉原禁者凡諸黨
錮多非其罪可加赦恕申宥同枉禦癘者宋后家屬竝已無辜委
骸橫尸不得收葬疫癘之來皆由于此宜敕收拾已安遊魂備寇
者侯王之家賦稅減削愁窮思亂必致非常宜使給足已防未然
修禮者應徵有道之人若鄭玄之徒陳明洪範禳服災咎遵堯者
今郡守刺史二月數遷宜依黜陟已章能否縱不九載可滿三歲
御下者請謁希爵一宜禁塞遷舉之事責成主者散利者天子之
體理無私積宜弘大務蠲略細微

後漢盧植傳又續漢五行志六注引續漢本傳植上書丙子蝕

自巳過午云云今此少丙子二字

奏事

王后無子擇立長親年均已德德均決之已卜筮所已承先祖也

初學記十
案後漢本傳
獻書規竇武亦有此小異

后妃者所已郊天祭地祇奉祖宗外已肅恭明神內已帥正九嬪

理陰德者猶天之有地陽之有陰

初學記十

上明之傳本末春秋博物盡變囊括古今苞裏人事

書鈔原本
九十五

獻書規竇武

植聞發有不恤緯之事漆室有倚楹之戚憂深思遠君子之情夫
士立爭友義貴切磋書陳謀及庶人詩詠詢于芻蕘植誦先王之
書久矣敢愛其瞽言哉今足下之于漢朝猶旦奭之在周室建立
聖主四海有繫論者已爲吾子之功于斯爲重天下聚目而視攢
耳而聽謂準之前事將有景風之祚尋春秋之義王后無嗣擇立
親長年均已德德均則決之卜筮今同宗相後披圖案牒已次建
之何勳之有豈橫叨天功已爲已力乎宜辭大賞已全身名又比
世祚不競仍外求嗣可謂危矣而四方未寧盜賊伺隙恆岳勃碣

特多姦盜將有楚人脅比尹氏立朝之變宜依古禮置諸子之官
徵王侯愛子宗室賢才外崇訓道之義內息貪利之心簡其良能
隨用爵之彊榦弱枝之道也

後漢盧植傳

酈文勝誄

自龢未成童著書十餘箱文體思奧爛有文章箴縷百家

書鈔原本九十九

孫堅

堅字文臺吳郡富春人建寧末府召署假尉熹平中歷鹽漬盱
眙下邳丞中平初中郎將朱儁討黃巾請爲佐軍司馬曰功拜
別部司馬尋爲張溫司空參軍遷議郎拜長沙太守曰功封烏
程侯義兵起袁術表假中郎將又表行破虜將軍領豫州刺史
初平三年爲術擊劉表戰死權稱尊號追諡曰武烈皇帝廟號
始祖

案孫策造吳當編入三國文孫堅當列前代梁宣帝父統隋文帝父忠從此例

到長沙敕史

謹遇良善治官曹文書必循治已盜賊付太守吳志孫堅傳注引魏書

夏育

育熹平中為北地太守遷護烏桓校尉

上言討鮮卑

鮮卑仍犯塞後漢作寇邊蔡邕集作仍犯諸郡百姓怨苦自春已來三十餘發請

徵幽州諸郡兵出塞討之一冬二春必能禽滅袁宏後漢紀二十四後漢烏桓傳蔡

邕集通典一百九十六

請收張讓表

張讓等怙慢天常擅操王命父子兄弟並據州郡一書出門高獲

千金下數百萬膏腴美田皆屬讓等使變氣上蒸妖賊蜂起後漢董卓

傳注引典略

馮光

大三百五十八
小一百零二

光熹平中爲五官郎中

上言厯元不宜用庚申

厯元不正故妖民叛寇益州盜賊相續爲厯用甲寅爲元而用庚申圖緯無已庚爲元者近秦所用代周之元太史治歷郎中郭香劉固意造妄說乞與本庚申元經緯有明受虛欺重誅

續漢律厯志中熹平

四年五官郎中馮光沛相上計掾陳晃言

陳耽

一作就耽

耽字漢公東海人熹平中爲太常代段熲爲太尉免復爲太常代楊賜爲司空光和初免復爲太常代楊賜爲司徒

平議馮恂宗誠厯術

侍中韓說博士蔡較穀城門候劉洪右郎中陳調于太常府覆校注說平議難問恂誠各對恂術已五千六百四十日

案日當作月

有九

百六十一食爲法而除成分空加縣法推建武已來俱得三百二

十七食其十五食錯案其官素注天見食九十八與兩術相應其錯辟二千一百誠術巳百三十五月二十三食爲法乘除成月從建康巳上減四十一建康巳來減三十五巳其俱不食恂術改易舊法誠術中復減損論其長短無巳相踰各引書緯自證文無義要取追天而已夫日月之術曰循黃道月從九道巳赤道儀曰冬至去極俱一百一十五度其入宿也赤道在斗二十一而黃道在斗十九兩儀相參日月之行曲直有差巳生進退故月行并牛十四度巳上其在角婁十二度巳上皆不應率不行巳是言之則術不差不改不驗不用天道精微度數難定術法多端厯紀非一未驗無巳知其是未差無巳知其失失然後改之是然後用之此謂允執其中今誠術未有差錯之謬恂術未有獨中之異巳無驗改未失是巳檢將來爲是者也誠術百三十五月二十三食其文在書籍學者所修施行已久官守其業經緯日月厚而未愆信于天